

[www.BibleForChildren.org](http://www.BibleForChildren.org)


# MATEO 1



Di awente akuo kame nfe di Elisabet nlaka ni lεme, Yaa lakpee tokyente noo Gabriel ale akye okpoo wo boole ni Nasaret, di Galilea kaso suoto. Yaa tokyente wo mmle layo kanya aakyeenko kakpeelebite ka baakaale baata ni osuto wo baatole ni Yosef, aakye ni oka Dawid kona kame. Kakpeelebite nwu leyooto niale Maria ne.



Ninfe di Yaa tokyente latoko nwo ale,  
“Maria, tanyeke, diekye Yaa ntoole  
fo sibuale. Fabalaka leme, fanlofo  
obi suotobi, fantika nwo leyooto  
fale Yesu. Abale otii kple, babale  
nwo ale Yaa wo ninlenke ni  
petee Obi. Saate nwo Yaa  
mase nwo saka fe mmle aase ni  
owa nwo Dawid. Abale saka di Yakob  
kona kame obe lele. Diidii saka kaleko  
nwo nnaa kaloo.”



Nfa nfe di Maria lakaale Yaa tokyente  
nwu ale, “Le nfe di nle mmle mawa  
kaanya, ninanye ni osuto?”

Nfa nfe di Yaa tokyente nwu ladiki  
kanya ale, “Ninwuna Klekle  
mawafɔ di suoto, Yaa wɔ  
ninlenke ni osie kafɔ  
matikafɔ di suoto.

Ta nkpo oso Obi  
Klekle nwu fɔwa  
ni obalofo, baale  
nwo ale,

Yaa omu Obi.”



Di ayi nwu kame Maria lataka aapeseewa  
aalolaa suoto, aakye okpoo onwii di Yudea  
kaso di kabokoe suoto, aalaabuo Sakaria  
leyo, aasesa Elisabet.

Diawa ale obe wo di  
Elisabet lanu ni Maria  
lesesa, obi wo ninsi  
nwo ni kaafutu kame  
lakpe. Nfanwu  
Ninwuna Klekle niayii  
Elisabet kame po.  
Ninfe aakakate aabue  
osie kanya ale,  
“Beekusekusea fo di

basanko bamuu kame,  
beekusekusea kafutu  
lefo kame obi kafu!”



Nnya mmle okle diawa ni fie baalofo ni Yesu Kristo.  
Baakaale Maria baata Yosef,  
kafɔɔ fie babayo ni bawo yi,  
Maria lanyaa ale nfe alaka  
lemɛ. Yaa Ninwuna Klekle  
niata diawa ninkpo.  
Yosef lale otii tinini  
di Yaa anu. Kafɔɔ  
atamie ale ookpee  
nwo sinunso di batii anu.  
Nioso aabla disibu ale,  
oodie nwo buɛɛ.



Obe wɔ ɔɔbla ni disibu le mmle aasifi aalaate nii, Yaa tɔkyentɛ ladiki suoto aatuo nwo di kolaafɔ kame, ni aatoko nwo ale, “Yosef, Dawid leyo kame obi, tanyeke Maria ɔsɔfo lefo ɔyo. Diekye leme le alaka ni yi, Yaa Ninwuna osie kame diekye. Abalofo osuɔtɔbi, faatika nwo leyooto fale Yesu, diekye nnwɔɔ nimadiki batii nɔɔ ankyeko sikipile lema kame ne.”



Nkpo oso obe wɔ di Yosef lasenke nii, aayo Maria aabla  
ɔsɔfo nɔɔ fe mmle di Yaa tɔkyente nwu nkpo latoko nwo  
nii. Kafɔ, Yosef ku Maria ditatofɔ  
bawo fe ɔsa ku ɔsɔfo dialaase di obe  
wɔ aalofo ni obi nɔɔ suɔtɔbi nwu nkpo.  
Ni di Yosef latika nwo leyooto aɛ Yesu nɛ.





Di obe nwu kamε, Oka Kplε Kaesare Augusto lata otumi  
alε baka batii bamuu ba ninkpe ni di Roma sεka kalekε  
kamε. Nkpo oso otii biala  
lasifi okpoo nεε alε  
balaaka nwε.



Nioso Yosef kafɔɔ ladie di Nasaret okpoo di Galilea kasɔ  
aasifi Betlehem di Yudea kasɔ suoto, nfũ baalofo ni ɔka  
Dawid. Yosef lasifi nfa  
diekye Dawid ɔnantii aale.  
Manko Maria wɔ  
baakaale baatɔɔ  
ni niasifi nfa



ale balaaka ma. Aalaka leme kafɔɔ.



Obe wo baawe ni di  
Betlehem, Maria obe  
lawo ale aalofo.



Ni aalofo obi suɔtɔbi nɔɔ kasale nɛ. Ni aayo sikplakpi  
aamiminisa nwo, aayo nwo aatensa di lɛsaa le mankpee  
ni babokɛɛ alesaa kame nɛ.  
Diekye batawɛ leyo di bafɔɔ  
kafunkɔ.



Diawa aɛ bafoso bakpatɛ banwii lawɛ nintɛɛ nwu kaso  
suoto, baatoonyu bafoso lɛma ku kakyɛ. Yaa tɔkyɛntɛ  
onwii ladiki suoto aatuo ma, ni di

Saate leklemekle lakpa  
diakpete  
ma di suoto  
nɛ.



Ta nkpo oso baayεke osie kanya, kafoo Yaa tokyente nwu latoko ma ale, "Bitanyεke, oiaa biene nkyenko, nwo nimata ye ni suoto leyoo osie kanya ku batii bamuu. Di mie dii le

mmle  
suoto,  
batoolofo  
Saate wo ninle  
ni Kristo

bεεtaye di oka  
Dawid okpoo  
kame."



“Lesaa le bibanya mintε ni nsū, diotuo alε kute ni nkpo  
ninle alε, bibanya beemiminisa obifoole nwu ku  
sikplakpi, bεεyo nwo beetensa di  
bafoso lesaa le manle ni  
alesaa  
kame.”



Nfanwu, Yaa batokyente dikudi kple ninwii niakye osi  
baakyoo babakyakaa di nwo nkpo suoto  
baatootansa Yaa ale, "Leklele baata  
Yaa di osi fanfan, di suoto



Ieyoo diwa di batii  
ba suoto di Yaa  
mbombo ni kaayi!"





Di obe wo di Yaa batokyente nwu lakple baasifi ni osi baadie ma ni, bafoso bakpate nwu labue baatoko suoto lɛma ale, “Bita bukye Betlehem buolaanyu lɛsaa le niɛwa ni, di Saate nwu ntɔɔtoko wo ni.”



Nioso baapεsεwa baakye baalanya Maria ku Yosef ku obifōole nwu niate ni di babokεε alesaa lekpeesaa nwu kame. Nioso obe wε baanyō ni nkpo, baabue lesaa biala di Yaa tōkyente nwu latōkō ma aakyeke ni obisō nwu suoto.




Di obe wo di Herode  
latoole ni sɛka yi, ni  
baalofo Yesu di  
okpoo wo baatɔlɛɛ  
ni Betlehem di  
Yudea kaso

suoto nɛ. Di obe nwu nkpo kame,  
ni di banumbentɛ ba ninye ni asaa  
di awentɛbi suoto bawo lakye kufi  
katunko baawa Yerusalem nɛ.



Ni baakaale ale,  
“Ɔfe beelofo obi wo  
nimale ni sɛka di  
Yuda batii kaso  
suoto? Buɔnya  
lewentrebi

nɔɔ di kufi katunko. Nioso  
butɔɔwa bule buɔbatansa nwo ne.”



Nkpo oso Herode lalε bafɔɔ  
nwu nkpo niakye ni kufi  
katunko di ɔlɔko  
kaawofako, ni aakaale ma  
aanu obe wo kame tutuutu  
baanya lewentrebi nwu nkpo  
lakyɔɔ nii. Ninfε aadiki ma  
osuku ale batɔkyε  
Betlehem nε.



Ni aatoko ma ale, “Bitokye  
bielaawolaa obiso nwu  
nkpo nwaa. Nse bienyoo,  
biekple biwa biabatoko  
mi ale ami kafoo kakye  
nnaasumu nwo.”



Nioso bafɔɔ nwu nkpo layefe osuku baasifi. Obe wɔ nfe bakye ni di osuku, baakple baanya lewentrebi nwu

nkpo tutuutu baanya ni di kufi katunko. Baanya ni nii, suoto layo ma osie kanya. Lewentrebi nwu nkpo laleko ma katũ diakye dialaayila di leba le di obiso nwu nkpo late nii. Ni baabuo di leyo nwu nkpo kame ne.



Nioso obe wo baanya ni obiso nwu nkpo ku oya Maria yi,  
baase akunkeyi kaasɔ, baawakosa asi kasɔ baasumu

nwo. Ninfɛ baasɛkɛtɛ kotofoe lɛma baadiki  
atasaa ya awo niefũ ni kɔya ninle  
ni koto sɛɛle, olufuii ku kloboo  
baatɔɔ nɛ. Nni kamaa, baafe di

osuku bamba suoto  
baasifi okpoo lɛma.

Diekye Yaa lasĩ ɔlaa  
aata ma kɔɔlaafɔ

kamɛ alɛ,

bataasinkple

baalaafe di

Herode

ɔkyɛ.





Obe wɔ baafɔ nwu nkpo lasifi  
ni kamaa yi, Yaa tɔkyentɛ  
onwii ladiki suoto aatuo Yosef  
di kɔɔlaafɔ kamɛ. Ni aatɔkɔ  
nwɔ alɛ, “Herode mawolaa  
obisɔ nwu nkpo alɛ oolo.  
Nkpo oso taka faakpaa  
obisɔ nwu nkpo ku ɔya  
bietoso bisifi Egipte  
kaso suoto.

Biesiɛ ninfa dielaase  
di obe wɔ makple ntɔkɔfɔ  
nlɛ kple fawa ni.”





Kakye nwu nkpo Yosef lakpaa  
obiso nwu nkpo ku oya baatoso  
baasifi Egipte kaso suoto.  
Baasie ninfa dialaase di obe  
wo di Herode lakpi nii. Nle  
mmle lawa ninkpo, diata  
ale oiaa wo di Yaa labue  
aafenko ni di oiaa buetete  
noo suoto lawa kaanya  
ale, "Egipte

kame lalae obi nii lakyekeo."



Di obe wo di Herode latofo aɛ  
bafɔɔ nwu niakye ni kufi katunko  
lakyonkyɔ nwo ni yi, oblo lafiɛ  
nwo osie kanya.



Nkpo oso aakpee bakpete nɔɔ  
baakye Betlehem ku aba ya  
nietete ni nfa fee, ale baalaalo  
babi suɔtɔbi ba nintoofũ ni alee  
anyɔ ku mba ninayifũ ni nkpo.  
Aabla nkpo ta mmle okle di bafɔɔ  
nwu nkpo latɔkɔ nwo ni obe wo  
baanya ni



Iewentrebi nwu nkpo.



Obe wɔ di Herode lakpi ni yi,  
Yaa tɔkyentɛ onwii ladiki suoto  
aatuo Yosef kɔɔlaafɔ kameɛ di  
Egipte. Ni aatɔko nwo alɛ,  
“Taka, faakpaa obiso nwu  
nkpo ku ɔya biekple  
bisifi Israel kaso suoto.  
Diekye batii ba nikomiɛ  
alɛ balo ni obiso nwu  
nkpo ntookpi.”



Kafɔɔ obe wɔ di Yosef lanu alɛ Arkelao wɔ ninle ni  
Herode obi nfe ninsi ni  
di ote lekpomii suoto  
oole ni sɛka di Yudea yi,  
aayekɛ nfa ɔkyɛ.


Nioso  
Yaa



tɔkyɛntɛ onwii lasĩ  
aatɔɔ kɔɔlaafɔ kamɛ alɛ atankyɛ nfa,  
ninfɛ aakɛ aasifi Galilea kasɔ  
ntɛɛ nwu suoto nɛ.



Obe wɔ aalaabuo ni nfa, aasifi aalaasiε di okpoo wɔ  
booleε ni Nasaret. Nfa  
lema olaasiε lata ale,  
olaa wɔ di Yaa olaa  
babuεtεtε labuε  
baate ni  
ale,



“Batii maleε nwo ni  
Nasaret otii yi,” diawa  
kaanya ninkpo.



Diekye Yaa nte ambombo kayi ka  
mmle osie kanya, ni εεγo Obi nɔɔ  
onwii nwu εεta ale, otii lele niefũ nwɔ  
eenu, alaawɔɔ. Kafɔɔ, aawe nkpa  
be ninnaa ni kaloo.





ROMA BATII 3:23 Kaaso ninle alɛ batii bamuu ntɔɔbla okpile, beekpukuti di Yaa leklekle nfũ.

ROMA BATII 6:23 Diekye okpile letota ninle kukpi, kafɔɔ Yaa sibualɛ se eele wo ni ninle nkpa be ninnaa ni kaloo, diefe ni di Saate loo Kristo Yesu onwii ɔbla kamɛ oso.

HEBRI BATII 9:27 Yaa lɛbla ɛɛta otii alɛ, akpi ninwii pɛ, nni kamaa, abakanko nwo.

EFESO BATII 2:8,9 Diekye Yaa niele wo sibualɛ eediki wo diefe ni di ofũ onu kamɛ. Diele awo bamu niɛbla lɛsalɛsaa, kafɔɔ Yaa lɛkyɛsaa dile. Nkpo okle kafɔɔ ninanle awo bamu ɔkrɛ ɔbla kuonwii nɛ. Nkpo oso, kuonwii dilaafuo ɔkanta.



ROMA BATII 10:9,10 Nse fεβε kanya feebue fale Yesu ninle Saate, feefũ feenu di otu lεfo kame fale Yaa latakatesa nwo aakyeko bakpi kame, Yaa mata fo nkpa. Diekye otu kame di otii nfũ aanu fie manta otii nwu lεβε di Yaa anu. Kanya kafoo di otii n-yo andiki ambue fie di Yaa ntoo nkpa.

YOHANE 3:16,17 “Diekye Yaa nte ambombo kayi ka mmle osie kanya, ni εεyo Obi noo onwii nwu εεta ale, otii leleiefũ nwo eenu, alaawoo. Kafoo, aawe nkpa be ninnaa ni kaloo. Diekye Yaa diekyesee Obi noo nwu ale abakanko batii kaayi ka mmle alo ma lεpoo. Kafoo ale diefe ni di Obi noo nwu suoto, batii kawε didiki.”



1 YOHANE 5:11-13 Olaa nwu nkpo kamaa oyila ninle aɛ  
Yaa Iɛyɔ nkpa be ninnaa ni kaloo ɛɛta wo, nkpa nwu nkpo  
ɛɛta wo ni nsi di Obi nɔɔ kame. Otii wɔ niefũ ni Yaa Obi nwu  
nkpo yi, akpe nkpa be mmle. Otii wɔ kafɔɔ ninafũ ni Obi  
nwu nkpo yi, anaa nkpa be mmle nwu nkpo. Kɔkpana kukũ  
ko mmle nkyesee aye ba niefũ Yaa Obi nwu nkpo bienu nii,  
nɛ bitofo bilɛ bikpe nkpa be ninnaa ni kaloo.



# MATEO 1-2; LUKA 1-2

Storyline by: Edward D. Hughes

Illustrated by: M. Maillot  
and Alastair Paterson

Adapted by: E. Frischbutter; Sarah S.

Selee NT (snw) © 2008, Wycliffe Bible Translators,  
Inc. All rights reserved.

<https://live.bible.is/bible/SNWWBT/MAT/1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

